

17.25 CUNTRASTS SIN SRF 1

Art en dus – Flurina Badel e Jérémie Sarbach



Per bliers saja quai in siemi, di Flurina Badel, e bliers hajan l'impressiun, che quai saja l'amur ideala, sch'ins viva ensemen e lavura ensemen. E quai fan Flurina Badel e Jérémie Sarbach. Ensemen èn els il duo Badel/Sarbach, ensemen fan els art. Ensemen han els in uffant ed ensemen vivan els a Guarda. Co che quai è, quella vita en dus, quai mussa il film «Art en dus – Badel/Sarbach». L'autur Casper Nicca ha accompagnà Flurina Badel e Jérémie Sarbach durant in onn, durant l'onn ch'els han creà in'ovra per l'exposiziun da «land art – Art Safiental». Il musicist da musica electronica Silvan Nicca, ha stgaffi la musica per il film cun nizzegiar tuns originals dal film. Il film è uschia ina collascha audiovisuala, che suonda als artists da Guarda a Berlin, da Telfs enfin a Tenna en Stussavgia e guarda davos la fatschada da la vita d'artists da Flurina Badel e Jérémie Sarbach.